

Den AMBIENTE



POETS

Entrevista cu Johnny Scharbaay

MESTER MOTIVA Y YUDA NOS MES UN YIUNAN DI TERA PROGRESA

**** JOHNNY DESMOND ALEJANDRO SCHARBAAY**, gran musico Arubano kende recientemente a gradua na **SWEELINCK CONSERVATORIUM AMSTERDAM**, tabata di bishita na Aruba durante e temporada di carnaval. Johnny a termina su estudio exitosamente na e prestigioso conservatorium aki, despues di a studia 6 aña **IMPROVICERENDE MUSICUS** (improvisa musica) Jazz & Klassiek, y tambe **DOCEREND MUSICUS**. Tabata despues di 6 aña cu e la presencia y disfruta di e gran fiesta carnavalesco di su isla natal.

DEN AMBIENTE a sostene un entrevista cu e gran pianista Arubano aki, kende a haci un interesante evaluacion musical durante su corto bishita na Aruba.

Na prome lugar e ta manda un cordial saludo musical na henter pueblo di Aruba. Algun punto esencial cu e la constata na Aruba ta principalmente loque ta trata e desarollonan musical, organisatorio y educativo. Locual cu Johnny a conclui ta cu Aruba tin mester di mas profesional den hopi ramo. Esnan mes cu ta labora nan trabao no ta haya suficiente back-up of reconocimiento pa nan ideanan.

E resultado ta cu no tin teamwork, cu consecuencia e ideanan no ta wordo ejecuta (of parcialmente) cual no ta e idea naturalmente. Y consecuencia ta, cu esaki ta resulta den frustracion y incomprendimento pa e personanan aki.

Tin hopi aspecto den nos ambiente cuminsando na cas cu ta influencia esaki nan. Ora e jiunan regresa di skol merdia, nan no ta sigui desarolla nan mes den deporte, muziek of algo util pa bida. E



ora ey nan ta pensa ariba maldad vandalismo, cana ariba calla sin hasi nada.

Di su mesun experiencia e por adverti na e jovennan, pa dedica nan tempo na deporte y musica. Musica ta algo hopi bunita y dushi, nunca lo bo por haya tempo pa pensa maldad, stima musica ta algo hopi great. Tambe nunca no bay studia algo cu bo mes no ta gusta, of laga bo mayorman dicidi pa bo kiko bo mester bay studia, naturalmente tumando nan consehonan na cuenta, pasobra semper un mayor ta desea lo maximo pa su jiunan.

For di su infancia caba Johnny a cuminsa stima musica, debi di a lanta den un familia musical, cu piano na cas, y tambe su abuelonan tabata tin un piano. Segun cu su mama a contelé, cu apenas

e por a cana ya e tabata purba na rek pa mishi cu e toetsen nan di piano, pa asina e por a saka musica for di e piano. Tambe su tianan y abuelo a motivele masha hopi den tereno musical. Semper e topico di e conversacion nan tabata musica, y nunca a resta espacio pa pensa maldad, locual Johnny ta haya hopi great di musica.

Segun e pianista profesional, cu Aruba mester wordo mas motiva pa instancianan Gobernamental y priva pa cu e ramo musical, artistico y deportivo. Nos jovennan tin mester di esey, ta tristu pa bo mira cuanto jovennan a benta nan juventud afor, usando alcohol y droga.

Mester cuminsa motiva nos cultura mas na Aruba, ya cu

tin hopi bon talentonan, pero nan mester wordo motiva mas. Motiva y juda nos mes jiunan di tera progresa, excluyendo probechonan personal, politico y financiero.

Su sincero deseo ta pa mira regularmente mas concierto nan di mucha di basis y middelbare schoolnan te cu profesional aki na Aruba. E por ta klassiek, jazz, fushion, Latino of cultural. Tambe ritmonan tipico y areglonan experimental di calidad halto. Por ejempl e melodianan mester tin un estructura original y cu un orden matematico exacto cu ta cuadra cu e ley nan di contrapunteo (nota contra nota), esaki combina cu tur tipo di instrumentonan ta produci e musica di valor.

Tambe ta su sincero deseo pa e mayorman stimula nan jiunan pa di manda nan muziekles di chiquito caba. Ora bo ta stima musica no tin tempo pa pensa maldad y lo no tin frustracion. Semper lo bo ta feliz y ta biba na paz cu bo mes. E ta masha orgulloso y gradicido cu su mayorman a motive y apoye total pa e por a studia loke cu semper e la gusta.

Johnny a regresa Hulanda pa sigui un otro estudio di dos aña na instituut bedrijf wetenschappen. E studio aki ta cuadra cu su ultimo estudio. Despues di termina su

estudio e lo regresa Aruba pa asina juda nos jovennan cu ta interesa den musica. E ta masha contento di por a termina su estudio cu exito na e Conservatorium cu e la bay, caminda semper e la studia cu placer.

Tanto na Hulanda como den Europa e ta participa masha hopi mes den concierto nan di alto nivel, na cual e ta amplia y desarolla su talento, y cu sin duda ta un gran experiencia pa su persona.

Pa orto luna mes e lo participa den un voorprogramma di Jack de 'Johmette Special Edition' (Fushion band) na Paradiso Amsterdam. Johnny ta considera e concierto aki sumamente importante pa su futuro, como contemporary Jazz Musician. Asina e lo sigui amplia su talentonan riba nivel internacional, y alabes promove su dushi pais Aruba mas tanto cu ta posible.

Actualmente Johnny ta director musical di tres banda na Hulanda, Grupo Siembra (latino), Secret Agents (Electric band), Classified (acoustic). Johnny ta ser spera na Aruba hunto cu su propio grupo di Jazz, di cual ta formando parti e formidable guitarrista Arubano Reno Steba, pa un presentacion durante Aruba Jazz & Latin Music Festival.

Tur e Fotonan di den AMBIENTE ta saca cu FILMNAN di ART-FOTO

AGFA Agfa

AGFA XRG 4000 135 36 XRG 2000 135 36 XRG 100 135 36

AGFACOLOR MAXI 24-3 XRG 100

M 11 DEFINITION COLOR AGFA